



Ulloq: 2. juli 2024
Allaffik: Nordatlantkontoret
Suli.sulia: Sessie Holm-
Hemmingsen
Suliap normua: 2020-00578
Takussutissiaq: 3383873

E Q I K K A A N E Q

**Sakkut pillugit Kalaallit Nunaannut inatsisip
allanngortinneqarnissaa pillugu inatsisissatut siunnersuut
(Aallaasinik il.il. pigisaqarnissamut ukiutigut angusassaq
killissaatitaq aamma aallaasit toqqorsimanissaannut
piumasaqaat)**

Inatsiseqarnermut ministereqarfimmit Naalakkersuisunillu peqataasut attuumassuteqartut peqatigalugit 2018-imi ataatsimoorluni ataatsimiinnermi, Kalaallit Nunaanni toqqissisimanissap annertusineqarnissaanut, aamma Kalaallit Nunaanni pissutsit ataqqillugit, matumani kalaallit aallaaniarnermut- piniarnermullu kulturiat ilanngullugit, sakkut pillugit Kalaallit Nunaannut inatsisip nutarterneqarnissaa pisariaqartinneqartoq isumaqatigiissutigineqarpoq.

Suliamut tassunga ilaatillugu, Naalakkersuisut kissaateqarnerisigut Inatsiseqarnermut ministereqarfiup inatsisissatut siunnersuut manna suliarisimavaa, taannalu inatsisip 1992-imi akuersissutigineqarnerata kingorna siullermeerluni annertunerusumik sakkut pillugit Kalaallit Nunaannut inatsisip nutarterneqarneranik imaqarpoq.

Kalaallit Nunaanni aallaasit il.il. aamma aallaasinut imassat qaqugukkut eqqunneqarsinnaaneranut, sananeqarsinnaaneranut, pissarsiarineqarsinnaanerannut, nassatarineqarsinnaanerannut

imaluunniit atorneqarsinnaanerannut ukiutigut angusassaq killissaatitaasoq ukiunut 15-inut killilerlugu eqqunneqarnissaa, inatsisissatut siunnersuutip siullertut siunertaraa. Kalaallit aallaaniarnermik- piniarnermillu kulturiat mianeralugu ingiaqateqartarnermik aaqqissuussinerup pilersinneqarnissaa, taamaalilluni meeqqat, 15-ileereersimanngitsut, meeraq sunngiffimmi aallaaniarsinnaanermut allagartamik atuuttumik peqarpat aamma inersimasumik naleqquttumik, inuussutissarsiutigalugu piniarsinnaanermut- imaluunniit sunngiffimmi aallaaniarsinnaanermut allagartamik atuuttumik pigisaqartumik ingiaqateqarpat, ingiaqataasorlu ingerlaavartumik meeqqamik nakkutiginnippat, meeqqap aallaasimik imassanillu tigummiagaqarsinnaanera atuisinnaaneralu tamatuma peqatigisaanik siunnersuutigineqarpoq.

Kissaammernermi imaluunniit qiimmassimaarnermi, matumani aallartoornerit kiisalu toqutsinerit aamma imminoornerit imminooriarnerillu ikilisinneqarnissaat ilanngullugit, sakkut pequtillu il.il. inatsimmi ilaatinneqartut atorneqarsinnaanissaat ajornarnerulersinniarlugu, aallaasit imassallu il.il. toqqorneqartarnissaat pillugit malittarisassanik eqqussisoqarnissaa, inatsisissatut siunnersuutip aappaattut siunertaraa.